





金陵圖詞序



宇內郡邑有志必標景物以
彰形勝亦名蹟金陵自秦漢
六朝夙稱佳麗至

聖祖開基定鼎始符千古王氣
而龍蟠虎踞之區遂朝萬邦

制六合鎬洛毅函不足言雄孟
門湘漢未能爭鉅矣相沿以
八景十六景著稱題咏者互
有去取觀臨見者每嘆遺珠之
蕃生長于斯既有厚幸而養
病伏處每阻游踪乃蒐討

載共得四十景屬陸生壽栢筆
蹇浮舸躬歷其境圖寫逼真
撮舉其繁各為小引系以俚
句粹而傳焉雖才短調庸無當
于山川之勝而按圖索徑聊足
寄卧遊之思因手書以付梓

人題數語以弁首以間照我同
好周侯之與吾日云尔

天啓癸亥冬嘉平日朱之蕃書



金陵圖詩目錄

鍾阜晴雲

石城霽雪

天印樵歌



秦淮漁唱

白鷺春潮

烏衣晚照

鳳臺秋月

龍江夜雨

弘濟江流

平堤湖水

雞籠雲樹

牛首烟巒

桃渡臨流

杏村問酒

謝墩清興

獅嶺雄觀

棲霞勝槩

雨花閒眺

憑虛聽雨

天壇勒騎

長干春遊

燕磯曉望

幕府仙臺

達摩靈洞

靈谷深松
東山甚野
青溪游舫
莫愁曠覽
祖堂佛跡
長橋艷賞
村太常和韻

清涼環翠
嘉禾石餅
虎洞幽尋
報恩燈塔
花叢星槎

宿巖靈石
祈澤龍池
星岡飲興
天界經魚
冶麓幽棲

金陵四翰林雅游編



鍾阜晴雲

在府治東北漢末有秣陵尉蔣子文逐盜遇難
吳大帝為立廟封曰蔣侯因避祖諱改鍾山之
名曰蔣山南北並連山嶺其形如龍故孔明稱
為鍾山龍蟠自梁以前寺至七十餘所今為
孝陵禁地不可復考惟日夕變態見王氣所鍾云
蟠龍夭矯溯江流毓瑞凝祥燦未收地擁雄圖沿六
代天留王氣鎮千秋迎將東旭朝光麗映帶明霞暮
靄浮定鼎卜年綿曆祚龍慈秀色繞皇州



石城霽雪

在府治西二里孫權于江岸必爭之地築城因石頭山輒鑿之陡絕壁立孔明稱石城虎踞是其處也當時大江環繞其趾今河流之外平行若砥民居繁密斗數里始達江許陵谷之變遷此其徵驗已

城烏啼徹曉光新延竚千林皓彩勻虎踞蒼崖增白額龍蟠金闕換銀鱗江天頓改尋常色廬井都無一點塵八表晶瑩疑合璧翩翹鶴馭集羣真



天印樵歌

在都城南四十里高百十六丈周回二十七里
四面方如城故又名方山秦始皇鑿金陵此方
是其斷者東南有水下注長塘流溉平陸入山
至定林寺亦極幽閒其巔最高曠不生雜樹惟
蔓艸遍布如茵上有石龍池下有葛仙公井
巨靈斧削青芙蓉覆斗^七峻稜印作峰曲徑逶迤凌走
壁山樵攀捫歷高墉丁丁木韻傳幽谷隱隱歌聲稱
遠鐘四望砥平空翠合探奇何處覓行蹤




秦淮漁唱

在上元縣治東南三里秦始皇東巡會稽經秣陵因鑿鍾山斷長壠以疏淮本名龍藏浦上有二源自句容潏水來合方山埭西注大江因秦所鑿故名秦淮今與青溪合流自西水關出于

江

疏鑿雖勞利永存清溪曲折貫重垣風和岸柳堪邀笛月滿蓮舟好泛樽自可乘流歌濯足何須曬網住江村綸竿寄興渾忘得為謝游鱗莫避喧



白雲春湖

白鷺春潮

在府治西南八里周回十五里即太白詩所稱
二水中分白鷺洲是也控阨上流足為天險舊
有賞心亭白鷺亭二水亭踞城瞰洲今城既恢
拓亭亦久廢惟潮汐無改耳

江天空濶水雲連荻蘆芽望邈綿春色漫誇梅柳
早閒情惟覺鷺鷗偏沙痕深淺潮生落帆影東西燕
往還清聖傾將酬遠覽千秋猶憶酒中仙



烏衣晚照

在府城南王導謝安渡江來同居此巷其子弟皆烏衣故以名之巷口為朱雀橋今都城分隔於聚寶門外其岡阜層疊形勝猶存六朝事跡載王榭航海失船泛一木至烏衣國妻以女久之思歸乘雲軒回托燕寄書往還似屬怪誕


庭階玉樹振琳琅門閤猶傳奕世芳故壘幾番更燕
子高城依舊下斜陽豪華想像山川色韻致騫騰藻
翰香宅址草深墩樹老棲烏陣陣集昏黃



鳳臺秋月

在府治西南二里杏花村中宋元嘉時鳳凰集
於此山築臺山楸以表嘉瑞舊有保寧寺宋齊
丘長詩刻石李白繼響向為貴家園圍極華整
後皆圯廢今就其庵舍葺為鳳遊寺臺屬寺中
庶幾遺跡藉以永存蕃書焦漪園翁所撰碑
倚醉崇臺憶鳳遊詩才無敵鶴橫秋千年郢調歌難
和一片長安月尚留水逝空江吳晉遠園移故主羽
鱗稠涼生白苧襟沾露猶戀清光飲未休

龍江夜雨



龍江夜雨

在府城西南儀鳳門外設關津以征楚蜀材木
備脩制官舫之用百貨交集生計繁盛今雖凋
弊而穩船湖蕩臨江橋梁水陸兵營規制依然
直達觀音上元諸門連接弘濟燕磯江天曠望
景稱最勝云


龍躍江關挾雨來烟籠洲渚接樓臺漁燈影暗飛鴻
隱簷溜聲喧鐵馬催估客篷窓驚旅夢禪龕蓮漏淨
氛埃豚魚吹浪奔濤湧更有長風送遠雷



弘濟江流

寺名弘濟在府東北四十五里高壁挿天璽瓏
奇詭山腰嵌置臺殿女牆之外俯臨揚子大江
自岷山發源合湘漢豫章諸水來自西南經西
北過鎮江東流入海波濤洶湧魏文帝稱天限
南北者此也

靈源萬里發岷峨放海滔騰絕壁過風定千艘帆影
亂波澄中夜月明多崖臨巨浸閒舒眺漁集平沙醉
和歌高峙燕磯沉鐵鎖看潮虛閣枕山河



平堤湖水

湖名玄武卽晉之北湖劉宋元嘉末有黑龍見
故改今稱齊武理水軍於此號曰昆明池今在
太平門外周回四十里湖中有洲洲上置庫以
貯圖籍禁不得遊惟長堤障水一望荷芰燦爛
香風遠來夾堤高樹坐蔭縱觀不能捨去


湖開玄武貯煙波千丈長堤接礮阿倒浸山光涵翠
靄深藏冊府渺銀河漁舟厲禁閒魴鯉錦浪鋪張燦
芰荷高樹搖風香掩冉提壺終日藉青莎



雞籠雲樹

在府治西北七里東連覆舟山其狀如雞籠故名宋元嘉中雷次宗開館齊竟陵王子良移居集四學之士抄五經百家書皆在此山今國學建其下千載文秀鍾焉踞高臨下一望城南慈菁溢目城中寺宇當為首稱

孤峯高枕帝城隅南望紛綸列九衢聯合流雲三五片淒迷遠樹萬千株白搖雉堞明湖曲青割虛亭敞
奧區遺址蕭梁何用問禪關分榻供伊蒲




牛首烟巒

牛首烟巒

在府城南三十里舊名牛頭山有二峰東西相對晉元帝初作宮殿城闕郭璞曰闕不便王導指雙峯曰此天闕也故又名天闕連接祖堂獻花巖回觀臺殿層疊有若畫屏朝夕烟嵐極為奇勝遊覽者忘倦即寒暑無間也

天南雙闕勢崔嵬遙送清芬撲面來百折千盤紆登道峰腰崖頂疊樓臺微雲欲起輕陰轉片月初升積翠開對嶺啓牕看變態依稀蜃氣接蓬萊



桃渡臨流

在秦淮口晉王獻之愛妾名桃葉其妹曰桃根
獻之臨此作詩歌以送之曰桃葉復桃葉渡江
不用楫但渡無所苦我自迎接汝後人因以名
渡昔王徽之邀桓伊據胡牀吹笛各不通姓名
而去又名邀笛步迄今遊舫鱗集想見風流
遙憶江頭用楫人桃花春水滿通津笛聲不隔烟波
濶燈影相連画舫新夾岸朱欄歡永夜中流白月淨
纖塵徵歌不問根兼葉應勝思王賦洛神



畫村問酒

畫村問酒

畫村問酒

木

杏村問酒

在江寧縣治西下浮上浮兩橋之內逼近城隅
與鳳凰臺相接舊有古杏林立春多遊人老圃
厭其蹂踐攀折伐而為薪僅存十一于千百牧
童無復拍村店者近歲芳園碁布盛以衰成舊
跡不至終泯耳

何羨嘶駝醉玉樓窓催鶯語杖扶鳩出牆紅艷招村
店照水嬌姿助冶遊莫遣春風吹細雨但邀新月上
高丘青缺買得黃墟睡童豎扶携下壠頭



謝墩清興

在府治西五里乾河崖上永慶寺前李太白將
營園其間有詩在集中其立阜寬敞治城清涼
諸山四面環繞居民灌園植蔬近乃多種松于
高岡上每春秋晴爽時遊人畢集中夜忘返不
隔嚴城得縱觀覽稱最便云

一丘平衍四山圍落落松陰綠草肥絲竹未須携伎
往樽壘猶自惜花飛荒園藥品分畦種野寺鐘聲度
嶺微為戀斜陽謀盡醉踏歌新月送將歸



獅嶺雄觀

在府治西二十里高三十六丈周回五里形如獅子以是得名晉元帝初渡江見此山綿亘以擬北地盧龍易名盧龍今建道觀亦襲其名山多古柏望若翠毛歲久盡摧近植新松漸以森茂每登眺俯臨雉堞心目豁然

江上諸峯萬馬騰忽驚獅蹲勢峻嶒瓜牙石角崖尖利毛毯新松茂草增俯瞰洪流渾欲漱昂瞻鍾嶺恍疑登盧龍繚繞稱仙窟可叱羊羣睡復興



棲霞勝槩

在府城東北五十里多藥艸可以攝生故名攝
山重嶺孤峙形如繖蓋故又名繖山南史明僧
紹居此捨宅為寺有千佛嶺天開巖深入愈見
幽曠登頂俯臨大江周迴其趾雲光映帶以栖
霞名寺匪虛尔

東帝頒春繖作山徧鍾靈藥濟塵寰嶺頭佛日惺心
境巖外仙霞照鬢顏宅捨徵君碑屹立泉穿白鹿水
潺湲直凌出半頂江流繞知是岷源第幾灣



雨花閒眺

在府南三里聚寶門外據岡阜最高處梁武帝
時有雲光法師講經于此感天雨賜花天厨獻
食故以名其臺臺上淺草如茵無一雜樹登其
巔則江光日彩與四眺林巒烟火交相映帶遊
人車騎駢集終歲殆無虛日


座上高僧演鹿車繽紛天女散曇華山含寶氣無喬
木地擅靈區逗彩霞一片江光懸樹近萬家烟火繞
城斜青樽未釐舒游目遙見前林集暮鴉



憑虛聽雨

在雞籠山最高處倚崖結構虛敞無少障蔽凭
欄滿望遠樹接聯閭閻羅布山雨一來淋浪驟
響恍然雲霄之上也右臂山岡綿亘十廟各據
一壑相傳晉有四帝陵列在雞籠山之麓想即
共處

三農望切沛甘霖日障濃雲萬頃陰高閣倚欄來雨
氣稿苗生潤見天心空巖新水懸飛瀑曲澗驚湍奏
素琴一夜風雷危坐聽曉看霽景濯青林



天壇勒騎

在正陽門外三里定鼎時郊天之所繚垣之外
馳道坦夷最堪驅騁壇傍神樂觀喬松古柏秀
色撲人眉睫蓋不遠城市別啓仙都者矣與
祖陵神烈山相聯絡居人種梅甚多每花時車
馬雜沓即雨雪亦不為之阻

天衢直達帝城東輦路逶迤向法宮自可據鞍馳軟
草還同按轡玩芳叢鬣分絲柳搖新綠蹄帶餘香踏
落紅醉似乘船歸較晚垂鞭那用馭追風

